

華嚴疏鈔

C40  
4514  
(1)

C40-4514

了翁上座請大藏經  
家書置之武州紫雲山  
我微無瑕院中永  
為學者不敢許出院內  
當山二世鐵十機謹誌



B 64853

大方廣佛華嚴經疏鈔卷第三十八之一

于闐國三藏沙門實義難陀 譯

清涼山大華嚴寺沙門澄觀撰述

十地品第二十六之五

疏第八不動地。所以來者。瑜伽云。雖於無相作意。無缺無間。多修習住。而未能於無相住中捨離功用。又未能得於相自在。脩習得滿。故次來也。又約寄位。初之三地。寄同世間。次有四地。寄三乘法。第八已去。寄顯一乘。莊嚴論釋第七云。近一乘故。梁論亦說八地已上。以為一乘。是知從前差別。進入

一乘故次來也。

疏言不動者。總有三義故。成唯識云。無分別智。任運相續。相用煩惱不能動故。謂任運故。功用不能動。相續故。相不能動。總由上二煩惱不動。與本分大同。而金光明云。無相正思惟。脩得自在。諸煩惱行。不能令動。但有二義。由相於前已不動故。行卽功用。攝論云。由一切相有功用行。不能動故。此則畧無煩惱。無性釋意云。第七地行動相不動。此中行相俱不動。世親同此。解深密云。由於無相得無功用。於諸法中。不爲現前煩惱所動。此但約煩惱

不動上二。十住論云。若天魔梵沙門婆羅門。無能動其願故。此卽約人不能動。人亦是相。仁王名等觀地者。上皆對他立名。此約當體受稱。卽無相觀下經。自有釋名。至彼當知。若不動名。諸論雖異。並不出前三。鈔言不動下二釋名。總引八釋。兼無性世親釋論。則有十釋。下結不出三義。而唯識最具。謂任運下。初疏釋卽第九論。二與本分下。卽本論云。報行純熟。無相無間。故名不動。報行純熟。卽是功用不動。前地所脩。今此位成。名爲報熟。空有常行。名爲無間。不爲有間空故。常在無相觀故。而

撰述  
金光明者。卽第三經。先舉經。但有二義。下疏釋。不言不爲相動。故但二義。由相於前下疏出經意。前常在無相觀。相已不動。此經無相正思惟脩。是常無相故。煩惱不動。得自在故。功用不動。四攝論。先舉論。此則畧無煩惱。是疏釋論。而言畧無者。非全無也。或以相用卽煩惱故。無性下引彼釋論。當其第一。彼文繁廣。故言意云。無性具云。言不動者。謂一切相。及一切行。不能動彼心故。第七地中。雖一切相所不能動。相不現得故。然不自在任運而轉。有加行故。第八地中任運而轉。不作加行故。是名

七八地差別。次云世親同此者。亦第七論云。由此地所有諸相。及一切行。皆不能動。無分別智任運流行。五解深密。卽第四經。亦以相行卽煩惱也。六十住論。亦是第一論。此卽約人下疏釋。七仁王者。卽下卷經。後上皆下疏釋。卽常在無相觀。故名等觀。  
疏故所離障。亦離無相中作加行障。由有加行未能現相及土。此地能斷說斷二愚。一於無相作功用愚。二於相自在愚。令於相中不自在故。鈔故所離障下。三所離障。亦唯識論。今當具出。論云。八

撰述  
華嚴疏鈔卷之一  
三  
無相中作加行障。謂所知障中俱生一分。令無相觀不任運起。前之五地。有相觀多。無相觀少。於第六地。有相觀少。無相觀多。第七地中。純無相觀。雖常相續。而有加行。由無相中有加行故。未能任運現相及土。如是加行障八地中。無功用道。若得入八地時。便能永斷。彼永斷故。得二自在。由斯八地說斷二愚。及彼籠重。一於無相作功用愚。二於無相作自在愚。令於相中不自在故。此亦攝相上一分故。八地已上。純無漏道。任運起故。三界煩惱。永不現行。第七識中。細所知障。猶可現起。生空智果。

不違彼故。釋曰。求無相故。名曰加行。令無相觀不任運故。五地觀心劣故。無相觀少。六地觀染淨平等故。無相觀多。七地作加行。故然準護法。於無相中有加行智。體非是障。以善住故。只由所斷障。令作加行。故說名爲加行障也。由此第七有加行故。雖現金等諸相及土。非任運現。故以爲障。生空智者。謂生空智所引後得智。及滅盡定也。金光明中名二愚云。一無相法。多用功力無明。二執相自在。難可得度無明。餘二可知。疏但撮要大旨。義已畧用。餘如前說。

疏其所證如。名不增減。以住無相。不隨淨染。有增減故。卽此亦名相土自在。所依真如。證此真如。現相現土。皆自在故。鈔其所證下。四所證如。亦唯識文。具云。八不增減真如。謂此真如。離增減執。不隨染淨。有增減故。卽此亦名相土自在。所依真如。謂若證得此真如已。現相現土。俱自在故。以論對疏。廣畧可知。此名卽攝論名。世親釋云。謂於此中。雜染減時。而無有減。清淨增時。而無有增。無性釋云。法外無用。所以不增。諸法不壞。所以不減。無性復釋。一同世親。中邊論云。由通達此圓滿。證得無

生法忍。於諸清淨雜染法中。不見一法有增有減。上釋不增減。世親釋相土自在。所依真如云。於諸相中。而得自在。各相自在。隨其所欲。卽能現前。故於所現土。而得自在。如欲令土成金等寶。隨意成。故釋曰。相約現身。土約器界。故下文中。於三世間。而辯自在故。

疏所成行亦名無生法忍。相土自在。鈔所成行。下五成行畧舉其二。故莊嚴論第八云。雖淨佛土。而無起作。無功用。卽自在義。疏及所得果。卽定自在等。皆由無相無功用故。

鈔及所得下六得果。言定自在等者。卽梁論云。通達無增減法界。定自在等。得法身果。意云等者。第九自在。金光明經。八地發心。得證三昧。

是時天王及天衆。聞此勝行。皆歡喜。爲欲供養於如來。及以無央大菩薩。

再妙華幡及幢蓋。香鬘纓絡與寶衣。無量無邊千萬種。悉以摩尼作嚴飾。

疏次正釋文。亦有三分。初讚請中有十二頌分。二前十讚後二請。前中二。初二天王天衆供讚。

大女同時奏天樂。普發種種妙音聲。供養於佛并佛

子。共作是言而讚歎。

一切見者兩足尊。哀愍衆生現神力。令此種種諸天樂。普發妙音咸得聞。

疏後八天女樂讚。於中二。初二標讚所依。餘六正顯讚德。總讚如來。身土自在。將說身土自在。地故。於中毛端約利論處。毛孔約身。

於一毛端百千億。那由他國微塵數。如是無量諸如來。於中安住說妙法。

一毛孔內無量刹。各有四洲及大海。須彌鐵圍亦復然。悉見在中無迫隘。

一毛端處有六趣。三種惡道及人天。諸龍神衆阿修羅。各隨自業受果報。

於彼一切刹土中。悉有如來演妙音。隨順一切衆生心。爲轉最上淨法輪。

刹中種種衆生身。身中復有種種刹。人天諸趣各各異。佛悉知已爲說法。

大刹隨念變爲小。小刹隨念亦變大。如是神通無有量。世間共說不能盡。

疏六中前四依正互在。五依正重重。六轉變自在。兼結無盡。

普發此等妙音聲。稱讚如來功德已。衆會歡喜默然住。一心瞻仰欲聽法。

時解脫月復請言。今此衆會皆寂靜。願說隨次之所入第八地中諸行相。

疏後請可知

爾時金剛藏菩薩告解脫月菩薩言。佛子。菩薩摩訶薩於七地中。

疏第二正說分中二。先地行後地果。前中有七種差別。一。總明方便集作地分。二。入一切法本來無

生下得淨忍分。三。佛子菩薩成就此忍下得勝行

撰述  
五藏取鈔卷之一  
分。四佛子菩薩住此第八地。以大下淨佛國土分。  
五佛子菩薩成就。如是身智下得自在分。六此菩  
薩如是入已下大勝分。七佛子此菩薩智地下釋  
名分。鈔第二正說下分二。先依論科。

疏七中初二。是趣地方便。一是遠方便。總前七地  
集作此地方便故。二是近方便。前地得忍光明。此  
修熟令淨故。三是初住地行。謂依前淨忍發起勝  
修故。次二。卽安住地行。謂四是正住之始。依前勝  
行更起修淨佛土之行。五卽正住之終。由淨土行  
成德無礙。六是地滿行。此地望前通皆是勝。今復

地滿勝中之勝。故云大勝。七卽辨德彰號。通於始  
終。又前二分。卽是入心。餘是住心。鈔後七中下  
料揀。先以論對經料揀。後又前二下。約三心料揀。  
七名廣義。至文當知。畧已釋竟。

疏今初分二。先標集德處。謂總前七地。非獨第七。  
第七雖亦有下十法。而非次第。以是功用行滿。無  
功用際。故總集之。卽四節中當第二也。鈔先標  
等者。於中有二。先揀濫正釋。故論云七地總相。後  
以是下出總。所以四節之總。初地已釋。謂一入位。  
二入地。三入無功用。四菩薩地盡。

善修習方便慧善清淨諸道善集助道法。

疏善修已下正顯所集。有十一句。分二。前二同相。諸地通行故。後八別相諸地異修故。鈔前三同相者。此是體相非標相也。

疏同中二句。一。二種無我。上上證故。此卽證道。

地地轉勝。名上上證。巧證不著。經云方便。鈔一

二種無我。下卽論文。此下疏釋。十地同證。二無我。理下之二句。皆有三段。一舉經。二舉論釋。三疏釋

論。

疏二善淨諸道者。不住道清淨故。悲智雙運。故名

爲諸

疏三善集助道者。彼方便智行所攝。滿足助菩提分法故。方便是前證道。行卽不住道。悲智等行故。菩提分卽是彼二所攝之助。助彼二故。

大願力所攝。如來力所加。自善力所持。常念如來力。無所畏。不共佛法。善清淨深心。思覺能成就。福德智慧。大慈大悲。不捨衆生。入無量智道。

疏後大願下別相攝。攝八爲七。一初地大願攝持。能至此故。

疏二。二地攝善戒中。如來力加故。彼經爲證。十力

四無所畏等故。是故我今等行十善等。卽上承佛力。

疏三地中。因修自證禪定神通。各自善力所持。

疏四常念下論云。四地中所說法。分別智。教化智。障淨勝。念通達佛法者。謂前十法明門是智。分別卽前觀察。依彼智明。入如來所說法中。次教化智。卽彼經清淨分中。以十種智。成就法。或生如來家。障淨勝者。卽彼論釋。謂滅三地智障。攝四地勝智。故上之二段。皆念通達佛法。故與此同。鈔四常念下。卽經常念如來力無所畏。不共佛法。次牒論

文。論有二節。一先牒前文。二念通達佛法。卽以前釋此。就牒前文中。牒兩處文。一所說法。分別智。卽牒前因分中義。後教化智障淨勝。牒前清淨分中義。謂前十法下疏釋論。依前二段釋之。先釋牒前因分中義。故云謂前十法明門是智。故前疏云。明爲能入之門。法爲所入之法。此上疏指前經。依彼智下。彼論具云。得證地智。先明。依彼智明。入如來所說法中。釋曰。得證地智。卽四地證智。其光明。卽前三地得此四地證智前相。此兩處智。俱欲通達佛法。佛法是三地求多聞所得。卽十法明門中所

觀察衆生界法界世界等。次教化智者。卽釋論牒第二段經。先標牒經。具云。以十種智成就法。故得彼內法。生如來家。障淨勝者。卽論牒前論釋。謂滅三地。下。疏取意釋論。若具論文。言云。何於如來家。轉有勢力。依止多聞。智障究竟。故除滅智障。攝勝故。今疏已釋。上之二段。下。釋論念通達佛法。卽以前釋此也。二處皆念通達佛法。卽力無畏等。疏五地中有十種平等深淨心。故云善淨深心。此心卽是思覺。

疏六能成。六地中三種大悲。故云成就福德。二

皆觀因緣集卽成就智慧。鈔三種大悲者卽大悲爲首。大悲增上。大悲滿足。觀因緣生滅。

疏七中二句。以近此地故。初中方便智。有中殊勝行。皆是大慈大悲不捨衆生行。次句卽前以無量衆生界故。入無量智道。鈔七中二句者。一大慈大悲不捨衆生。二入無量智道。疏云。以無量衆生界故。入無量智道者。全是論文。入無量衆生界。是彼初句。無量智道。是彼第十六句。以與此相應。故應具二十句十對。第二句入無量諸佛化衆生業。三入無量世界網。四入無量諸佛清淨國土。餘

廣如彼。

入一切法。本來無生。無起無相無成。無壞無盡無轉。疏第二淨忍分。有十五句。分三。初十正明無生。忍次四明無生忍淨。後一結得忍名。然無生忍。畧有二種。一約法。二約行。約法則諸無起作之理。皆曰無生。慧心安此。故名爲忍。卽正明中意。約行則報行純熟。智冥於理。無相無功。曠若虛空。湛滄淳海。心識妄惑。寂然不起。方曰無生。卽淨忍中意。前一猶通諸地。未得於後。不稱淨忍。鈔然無生下。二就類明忍。成前三段之中。前二段也。

疏今初段中。言一切法者。總該萬有理事之法。入卽證達。以歷事難窮。畧陳其十。十中相從。爲四無生前七。爲一。名事無生。後三各一。二自性無生。三數差別無生。四作業無生。四中一破相。二破性。三因泯。四果離。卽前二破相入。如後二證實捨相。若寄位。初加行。二正體。四後得。三通始終。又四中約法性收。不出真妄。妄法本空。稱曰無生。眞法離相。亦曰無生。依佛性等論。說三性無生。如初會說。鈔四中下三顯功能。然相實名事。泯事入理。名事無生。良以無生緣起成事。是故泯事。卽是無生。故

撰述  
華嚴疏鈔卷之一  
能破相卽遣有相也。二破性者。破遣有性也。法體名性。以一切法各有性故。泯性入如。名性無生。良以無生緣起成性。是故泯性卽是無生。三泯因者。卽離因相。因有始終。二世分異。名數差別。證實返望。本無此數。名數差別無生。故地持云。不知無言自性事故。三世差別。以知無言自性事故。三世中一切平等。四果離者。卽離果相。果位業用。名爲作業。證實以望。無業可得。名業無生。是故結云。前一破相入如。後二證實捨相。一破有相。二破無相。二俱破相。二俱入如。三四皆證實並捨相。如文思之。

若寄位下四約位。捨相入實。相入實故。是加行性。相雙遣。故爲根本。用是後得。於理必然。三通始終。三世別故。又四中下。五出體。大同第六三性。但合爲真妄耳。則妄通依他偏計。真唯圓成。依佛性下六指廣。卽三性分別。言佛性論者。卽彼三性品論。云由有三性故。說不了義經。達三性者。自然顯了。名了義經。如經中說。若人得無生法忍。則不退墮。問云。此言云何成立。答曰。由三性故。則得成立。如來約分別性故。說本來無生忍。約依他性故。說自性無生忍。約真實性故。說惑垢苦本性無生忍。釋

曰。若取文顯。初一似約徧計。以云本來無生故。第二同約依他。以論云自性無生故。後二約圓成。以第三約位有垢淨故。第四約佛。明所證故。細而尋之。初一修成有依他故。本有卽圓成故。約位亦從緣故。佛所入處。緣起徧故。又本來無生。談下文故。故疏更不廣釋。但指前文第二經。

疏事無生中。前四不增正顯無生。後三不減亦卽無滅。法本不生。今則無滅。以初攝後。皆曰無生。

鈔後三不減下。畧有二意。一者是無生中別義。故次云。以初攝後。皆曰無生。二者亦應名無滅。恐卽

如前疏中說。今亦從總。但云無生。然此無生。滅卽不增。滅真如。別是此地之所證故。

疏別言七者。爲治七種實故。實者隨相執定故。

一淨分法中。本有實。謂計自性住。性爲事物。有今爲治此。故云本來無生。本性離故。先若有生。後應滅故。鈔別中七者。下二別釋。隨相執實。卽是所治。欲顯無生。反立七實。然文含二義。一者此之七實。通於凡聖。故疏但案文釋。二者約位分別。於中有二。先明前四。爲遣初地已上。後二爲遣外凡解行。前中又二。先別明後結束。前中一淨分法中本

有實者。是論謂計自性下疏釋。先舉所治。今爲治此下。引經爲能治。下七皆然。此初多約初地自性住性卽第一義空。以初證故。若謂有物在於心中。爲事物有。故爲所治。故今治之。本來無生。無生豈是事物有耶。言本性離故者。此釋經文無生之義。若先有生下。反以成立。卽淨名云。法本不生。今則無滅。得此無生法。恐是爲入不二法門。

疏二新新生實。計習所成性爲實。治此云無起。從緣起故。鈔二新新生實者。二地已上。乃至七地。修道漸增。說爲新新。能治中言從緣起故者。以從緣起。起卽無起。

疏三相實。卽計前二性所生行相。治此云無相。前二能生無故。鈔三相實者。卽八地至十地。無功用相。是上二相。智無功用。是集起相。無生理。現是本有相。

疏四後際實。謂計於佛果後際出纏。治云無成。眞如出纏。非新成故。菩薩成佛時。煩惱作菩提故。上四初一自性住佛性。次二引出。後一至得果性。又此四展轉釋疑可知。鈔四後際實者。佛果究竟爲後果。卽菩提涅槃。能治中云。眞如出纏。釋無

撰述  
華嚴疏鈔卷之一  
涅槃實菩薩成佛下顯無菩提實上四下後結束  
有兩重初約三佛性三佛性義至十地更明大旨  
可知又此四下二展轉收束謂何以知無本有實  
新熏無成故何以知無成二相不可得故何以知  
不可得菩提涅槃亦離相故

疏五先際實謂對佛果後際衆生煩惱爲先治云  
無壞煩惱卽空無可壞故菩薩未成佛時菩提作  
煩惱故染淨和合以爲衆生前遣淨分此遣染分  
又前卽不空藏此卽空藏皆不可得鈔五先際  
實下第二釋後三句遣地前執初卽煩惱一卽生

體是有爲故三通上二亦卽是業初句治中云煩  
惱無可壞者是性空門菩提作煩惱約妙有稱實  
門染淨和合下此中染卽煩惱淨卽如來藏卽不  
生滅與生滅和合名爲衆生上明不生不生今辯  
生滅不生又前卽不空藏者以佛性妙有故此卽  
空藏者不與煩惱相應故今二藏雙遣云皆不可  
得

疏六論云盡實諸衆生者謂執衆生念念盡故揀  
上煩惱故特云諸衆生故上經云一切凡夫行莫  
不速歸盡治此云無盡其性如虛空故鈔上經

撰述  
聖嚴疏鈔卷之一  
二云下。卽須彌頂上。偈讚品。善慧菩薩偈。以上半爲所治。下半其性如虛空。故說無有盡。爲能治。餘並可知。所以先遣地上者。正此所證。故從細至麤。故又後舉地。前以麤況細。麤未證性。此應合有。今不可得。況於地上佛性之性。

疏七論云。雜染實淨分中者。謂修行位中。轉染向淨。治此云無轉。若定有實。不可轉。故論經云不行。謂能轉之行。不可得。故。

無性爲性。

疏第二無性爲性者。卽自性無生。此則顯詮論經。

云非有有性者。明非有彼定執自性。此則遮詮。遮顯雖殊。義旨不異。鈔第二無性下。此自性無生。於中有三。一會二經。非有卽是無性。有性卽是爲性。故云義旨不殊。

疏無性卽是法無我理。此理旣以無性爲其自性。則自體無性。非是先有今無。亦非全無真體。故云爲性。以前觀事無生。正恐此理。故論云彼觀事。故是此恐。不得言無。鈔無性卽是下。釋文先釋無性。執法有性。名之爲我。如地堅性。水濕性。以無我。故名性無生。非是先有今無者。揀斷滅無。中。

論云。先有而今無。是則爲斷滅。亦非全無下。釋爲性字。於中二。先反立。次以前觀事下。順成妙有。故論云下。引證言觀事者。此無我理。是四地乃至七地所觀事故。明知是有。又是所忍法故。若無所忍。則無如可證。

疏斯則非有非無。以顯中道。此二亦不二。又此理亦非所觀事外。故論云。所有觀法無我理。無二相。故斯則非卽非離。無二爲中道義。鈔斯則非有下。會歸中道。有二中道。而文三節。初正立二種中道。一非有非無爲中道。無性則非有。爲性則非無。

既卽以無性爲性。故云此二不二。卽以性無體有。爲真諦中道。又此理下。不卽不離爲中道。卽事顯理。爲二諦中道。七實皆事。不之一字。卽是於理。斯卽於諦。常自二。於解常自一。今通達此無二。真入第一義也。故論下引論證。上疏家立二中道。皆因論主無二相言。由無二故。法無我理得爲諸法自性。無生。遠公破古云。人言觀心與法無我理。心境不二。非也者。實如所破。斯則下結成。

初中後際皆悉平等。

疏第三初中後際皆悉平等者。卽數差別無生。於

撰述  
華嚴疏鈔卷之一  
三時中。染淨法不增減。故謂先際非染增淨減。後際非淨增染減。中際亦非半增半減。以知三際皆空。無自性故。鈔第三初中後下。疏文有二。先正明。卽正證無增無減。真如若隨相說。前際染增淨減。後際淨增染減。中際半增半減。今約理性空。故非之。

疏然準瑜伽。前三句約三世。此中約位以明三際。故論就染淨明之。鈔然準瑜伽下。後揀濫。濫前三句故。前三句者。卽第四後際實。第五先際。第六盡實。正約衆生當中際故。故今釋云。此明三世。約時辯異。今此約位以明三際。前際卽七地已前。後際卽九地已後。中際卽當八地。雖約位有殊。而體無增減。又前三際。先際唯染。後際唯淨。中自約生。今之三際。皆通染淨。又不同也。故疏結云。論就染淨明之。

無分別如如智之所入處。

疏第四無分別下。作業差別無生。果位作用。名業差別。如智貫之。則無差別。無差別卽是無生。下如是理如上。如是智如。智如於真理。故無分別。此智是佛究竟入處。今菩薩證如。同佛入處。故論云於

真如中淨無分別佛智故。鈔第四無分別下。疏文有二。先正明。引論正證同佛入處。以論經云。真如無分別。入一切智故。故今疏用佛智釋之。若直就今文。但是入地自無分別智耳。要無分別真智方入。非是俗智能入無生。

疏如是四種。皆是示現無生忍觀。鈔如是四種下。總結以論云。如是無生法忍觀。示現故。今廻其文。論意云。此中廣說無生理者。成於此地無生觀。故。

離一切心意識分別想。無所取著。猶如虛空。入一切

法。如虛空性。

疏第二離一切下。明忍淨中。初句離障。後三顯治。前言離者。論云。示現行遠離。謂契實捨妄。各行遠離。揀非心體離也。鈔第二離一切下。忍淨中。二。謂離一切心意識分別想字。通其二處。故先牒之。識三。別為兩類。分別想字。通其二處。故先牒之。疏所離一切。畧有二種。一離心者。離報心憶想分別。謂第八異熟識轉現徧行亦不行故。鈔一離心者。牒經謂離報心憶想分別。此即以論釋經心字。然論具云。報分別境界想。攝受分別境界想。其

撰述  
聖嚴疏鈔卷之一  
報分別境界想。正釋心字。謂第八下疏釋論異熟  
識是報心。故彼七地中修無漏因。感此變易異熟  
果體。卽是報心。轉現徧行者。轉現二字。卽起信論  
以第八賴耶有其三細。謂業轉現業相最細。菩薩  
地盡方能離之。今得此忍。轉現不行。卽見相二分  
亦不行也。言徧行者。唯識等論第八賴耶與心所  
俱。唯有徧行五耳。謂觸作意受想思。今與此忍相  
應。斯亦不行。故疏總云。轉現徧行亦不行。故云  
亦者。如入滅定。前七不行。第八持身。今八二分亦  
復不行。顯轉深也。卽是經中離心分別想。

疏二離意識者。離方便心憶想分別。論云。離攝受  
分別性想。故謂六七識及中心所等亦不行。故是  
則心行處滅。各離一切想。鈔二離意識者。牒經  
二字。離方便心憶想分別者。疏取論意釋經。意卽  
第七識。卽前六此之意識。是異熟生。但各方便論  
云下以論證上方便之義。言攝受分別性想者。第  
七內攝受。六識外分別。此等王所居然不行。謂六  
七下疏釋論意。及與經意。謂六七識卽是王。及中  
心所者。六七二識所攝心所。一切不行。故疏結云  
心行處滅。不同七地猶有觀求之心。

撰述  
聖嚴疏鈔卷之一  
三  
疏後無所取下。明治。上但明所治非有。今明能治不無。故論云。想者遠離障法想。非無治法想者。治卽無分別智。鈔後無所取下。釋能治中。疏文有三。初結前生後。先正明。故論云。下以論爲證。此之論文。亦是揀濫。上云滅一切心意識分別想。但是滅障法想。障法想者。卽有分別觀解之想。有治想者。卽無分別智。是則別境五中慧所不泯。但無分別。上言不行耳。

疏所以明此有二義故。一揀異。斷滅外道無想。二乘滅盡故。二揀異如來。尚是照寂。非寂照故。鈔

所以明此下。第二彰立有治想。所以一揀凡小。此是揀劣。外道無想。無有此慧。二乘滅定。亦無此慧。想受盡滅故。故此比於滅定。彼所行者。此亦不行。如前一切心等。彼所無者。此中則有。謂無分別智。二揀如來。卽揀勝。未亾無分別智故。故瓔珞云。等覺照寂。妙覺寂照。今八地無生。亦照寂故。若窮照寂。卽同佛故。是故智障有其三門。一是智障。所謂分別有無之心。二是體障。謂觀非有非無之解。立已能知。故曰體障。三是治想。謂妄識中。含如正慧。依此地中有其三義。初一。四地。乃至七地。斷除。四

五六地。斷除分別取有之心。謂解法慢身淨慢等。入七地時。斷除分別取無之心。八地已上。斷除體障。前第七地。雖除分別有無之心。猶見已心以爲能觀。如爲所觀。如不卽心。能觀之心。不卽如故。心。如別故。心外求法。故有功用。法外立心。故有體障。從第七地入八地時。破捨此障。觀察如外由來無心。心外無如。如外無心。心不異如。心外無如。如不異心。故能如心。泯同法界。廣大不動。以不異故。自外推求。故捨功用。不復如外建立神智。故滅體障。體障滅故。各無障想。第三治想。至佛方滅。故入八

地。離無障想。而有治想。從八地已上。無生忍體。轉轉寂滅。令彼治想。運運自亡。至佛乃窮。今此未盡。故說非無。

疏故云。此想於下地有三種勝。一無功自然行。故云無所取著。謂無取果心。任性自進。故此顯治妙。二徧一切法想。故云猶如虛空。此顯治廣。三入真如不動自然行。故云入一切法如虛空性。此顯治深。鈔故云。此想下第三別釋文相。然總將此論釋有治義。下釋三勝。一無功自然行故者。卽是論文。謂無取果心者。疏釋經文。任性自進。是疏釋論。

二攝述  
聖曆疏鈔卷之一  
觀心純熟。不假作意。任運起果。各任性自進。無趣自進。故名爲妙。二空徧一切。故名治廣。顯無生智。無不徧矣。三者入如而行。故深。

疏此則入於起信離念相者等虛空界。無所不徧。法界一相。故云入一切法如虛空性。然論云不動自然行者。任性起故。非謂有彼自然行心。故上離卽止。此治卽觀。無功雙運。唯證相應。勿滯言也。

鈔此則入於下。以起信意總收上義。起信所入。卽是本覺。故論云所言覺者。謂心體離念。離念相者。等虛空界。無所不徧。法界一相。卽是如來平等法身。依此法身。說名本覺。釋曰。今入虛空。卽入法身。本覺。故上離下。引論會釋。結無生法忍之止觀耳。是名得無生法忍。

疏結名可知。

佛子。菩薩成就此忍。卽時得入第八不動地。

疏第三得勝行中二。初明深行勝。對前彰出。二佛子此地菩薩下。發起勝。對後彰入。前中亦是攝童真住。文中二。先結前生。後以入第八地。是結前入位。生後深行。爲所依故。

爲深行菩薩。難可知。無差別。離一切相。一切想。一切

執著無量無邊一切聲聞辟支佛所不能及。離諸誼評寂滅現前。

疏二為深行下。正顯深行。先法後喻。法中八句。初

一總相。位行玄奧故。餘七別相。一難可知者。即

難入深。正是對下彰出。鈔餘七別下。疏文有二。

先隨文釋。一明七地不知。故云正是對下彰出。

疏二無差別者。同行深。與諸無漏淨地。菩薩同故。

如麥在麥聚。故難知差別。鈔二即就勝彰等等。

於得八地人。

疏三離一切下。境界深。分齊殊絕故。由所取相離。

能取想不現前故。復言離一切執著者。護此地一

切所治障想故。鈔三正示餘相。故云分齊殊絕。

即分齊境也。故下總束三句。為境分殊絕。護此地

下。護者防也。捨也。此是論主別釋此句。據於上二

恐有問言。但離相想。於義已足。何須更離一切執

著。故今通云。以上相想。言通善惡。今明除所治障

想。謂貪求佛法故。論經云。離一切貪著。非除能治

無分別智想。以此治想。為能護故。如上淨忍分中

無所取著也。

疏四無量無邊。即修行深。自利無分量。利他無邊。

故。鈔四卽二利行體。

疏五一切等明不退深。二乘不能壞其勝故。前句當相辨大。此句寄對以明。鈔五卽寄對顯勝。不可形奪。退其勝相。云不退也。故合上二爲正行廣大。

疏六離諸誼諍。卽離障深。謂離功用障故。鈔六離功用之動。

疏七寂滅現前。卽對治現前深。以證真如爲能治故。一切寂滅。鈔七有報行之治。故合以爲離障寂靜。今經但合寂滅現前。論經云。一切寂靜而現

前故。真如一切寂靜現前故。釋曰。上句教道寂靜。下句證道寂靜。是故疏云。以證真如爲能治。故一切寂靜。其一切言。卽含教也。

疏上七別中。相從束爲三分。能離前地四種惱患。謂初三明此地境分殊絕。離第四微細想行過。謂求如來智猶未息等。次二明正行廣大。離前第三化生勤方便過。謂十無量等。猶有勤故。後二明離障寂滅。離前二過。一離第二淨地勤方便過。卽前修無功用。日夜常修。及行住坐臥。皆起導等。二離第一有行有間發過。此之四過。如地持說。瑜伽名

四災患義次亦同。鈔上七別中下第二收束治障束七爲三。初有三句。二三皆二句故。言四種惱患者。第一有行有間發過。第二淨地勤方便過。第三化生勤方便過。第四微細想行過。此之四過。從細至麤。經中說治。從麤至細。故下喻中。從細至麤。離第四者。此最麤也。求如來智慧。既未休息。卽是惱患。今相想斯絕。故無此患。次二明下。既求十對化衆生業。各勤方便。今自無分量利他。離於有無二邊。故無此過。後二明下。此第三節。一離第二過。疏引上二文。皆是勤方便。一卽前彼障對治中脩

無功用行。無功用行。卽牒前科文。日夜常修。卽是牒前論經。若今經云。佛子。此菩薩以深智慧。如是觀察。常勤修習。方便智慧。釋曰。常勤修習。卽日夜常修。及行住下。卽引第三雙行勝中。二行雙無間文。言無有一念休息廢捨。行住坐臥。乃至睡覺。未曾暫與蓋障相應。釋曰。旣修無功。卽是淨地勤方便。未能任運無功。故成其過。一念止觀。雙行亦未息行心。故皆成過。二離第一者。此第三節復離此過。若遠公云。謂七地中十方方便慧。發起勝行功用。心名爲有行有間。發釋曰。發卽發起。若以十方便

撰述  
華嚴疏鈔卷之一  
爲有行此行最麤又無功用心卽淨地勤方便則似義重今治卽前信勝及作大義皆有行發起而言有間者約修無功用未得任運無功則有功用之間耳又上通說第三二句通離二過亦得離障離有行有間發過寂靜離淨地勤方便過以離過寂靜返覆相成故合爲一雙治二過

譬如比丘具足神通得心自在次第乃至入滅盡定一切動心憶想分別悉皆止息此菩薩摩訶薩亦復如是住不動地卽捨一切功用行得無功用法身口意業念務皆息任於報行

疏第二喻中文有三喻從後次第喻前三段爲順治障從細至麤故法中顯深故從麤至細三中各有喻合今初滅定喻喻前離障寂滅喻中那含羅漢心解脫人多能入之九次第定當其第九故云乃至動心息者謂所依六七心王已滅能依心所憶想自忘鈔第二喻中滅定之義前地已說法界品更明能依心者以論云無彼依止故爲此釋

疏合中住不動地合入滅定卽捨已下合動心止息卽捨一切功用行者過所治故得無功用法者

一釋述  
華嚴疏鈔卷之一  
三  
明得彼治法故身口等息者。以得無功用法。自然行故。卽同前無所取著。離第一有行有聞發過。鈔合中下合文分三。一正合經文。卽捨一切功。用行者。牒經。過所治故。卽是論釋。謂所治者。卽七地中功用之心。得無功用法者。牒經。得彼治法者。論釋。以有八地無功用。無分別智爲能治故。身口意下。牒經。以得無功用法。自然行者。論釋。以自然行不作意。故云身口等息。非謂不行行故。云自然行也。譬如舟船乘風入海。但見不施功。非船不進。故疏引淨忍分中無所取著。以爲證成。故前論云。非

無治法。離第一下。二結成離過。卽結上合意。

疏住於報行者。文合二意。一亦成上示現得有功用行相違法。謂得無功用地故。此約教道同前無所取著。二者謂善住阿賴耶識真如法中故。此約證道同前入一切法如虛空性。卽離第二淨地勤方便過。不同前地修無功用故。云報行。報行者。前地所脩報熟現前故。住真如者。以本識有二分。一妄染分。凡夫所住。二眞淨分。此地所住。由住真如。故捨梨耶之名。又佛地單住真如。不云梨耶真如。今爲有變易報在。是故雙舉。則梨耶言。約異熟識。

撰述  
華嚴疏鈔卷之一  
三  
如來但名無垢識故。鈔住於報行下。三別釋能治。此牒經下疏釋前意。明教道者。無功無分別智。可寄言故。住真如下。五重釋論文。而有二意。一雖舉賴耶。但取真如。以第八地捨賴耶名故。故唯識云。阿羅漢位捨釋曰。大乘第八地。同於羅漢。以捨分段出三界故。又佛地下。二存其賴耶。則顯擇論不善用名。以第八識有其多名故。賴耶但是局凡位故。異熟直至菩薩地盡。雖同第八。不應存賴耶名耳。第八名別。已見上文。

譬如有人夢中見身。憶在大河。爲欲度故。發大勇猛。施大方便。以大勇猛。施方便故。即便覺寤。既覺寤已。所作皆息。菩薩亦爾。見衆生身。在四流中。爲救度故。發大勇猛。起大精進。以勇猛精進故。至此不動地。既至此已。一切功用。靡不肯息。二行相行。悉不現前。疏第二夢寤喻。喻前正行廣大。論云。示此行護彼。過想者。離彼化生勤方便過故。有正智想者。非無此地無功智故。如從夢寤。雖無夢想。非無寤想。但此行寂滅。故云所作皆息。鈔論云。示下次顯喻意。意明護過。所護過異。大意是同。謂護彼過想。同前捨一切功用行。有正智想。同前得無功用法。如

撰述  
華嚴疏鈔卷之一  
從夢下。三釋顯喻相。卽喻前意。雖無夢想。喻護彼  
過想。非無寤想。喻有正智想。但此行寂滅者。通妨  
妨云。若有正智。何以文云所作皆息。答意可知。  
疏合中勇猛約心。精進約行。合上方便。並是功用。  
二行已下。出所息障。依內證清淨。生於涅槃。二心  
不行。各二行不現。如彼寤時。此彼岸無依。外緣境  
界受用。念想不行。故云相行不現。卽離化生聖道  
等想。如彼寤時。人船俱無。合中見人。憶河。喻中  
身自憶者。衆生病卽菩薩病故。鈔合中勇猛下  
四釋。古文但顯護過化生。勤方便不行耳。以內證

釋二行不行。如覺無二岸。以外緣釋相行不行。如  
覺無人船。船卽化生聖道。餘畧不合者。具卽以菩  
薩合前有人。謂七地菩薩。至不動地。合覺寤也。

佛子。如生梵世。欲界煩惱。皆不現前。住不動地。亦復  
如是一切心意識行。皆不現前。此菩薩摩訶薩。菩薩  
心。佛心。菩提心。涅槃心。尚不現起。況復起於世間之  
心。

疏第二生梵天喻。喻境分殊絕。鈔第二生梵天  
喻中分五。一舉所喻。畧不釋喻。

疏合中。初正合。下地心意識不現。合欲界心不現

行也。所以不行者。得報行故。此離微細想行過。故論云。此說遠離勝也。鈔合中下二釋合文。卽經住不動下文。所以不行下。三論釋不行。所以明有治故。經文畧無。

疏後此菩薩下。舉勝況劣。謂佛等不順行世間一分心等尚不行。況順行世間一分心耶。佛心等者。卽七地求如來智心也。此中但況世間亦應以大況小。大尚不行。況小乘耶。則若世若出世。若人若法。若因若果。若智若斷。皆不行也。鈔謂佛等者。以論云。此中順行不順行。二分心等。佛等不行故。

謂一心中分染淨二分。以淨況染。則若世下。疏東成對。畧有四對。兼於大小。則有五對。若世者。卽經況復起於世間之心。若出世者。佛等心也。若人。卽佛菩薩。若法。卽菩提涅槃。若因。卽菩薩。若果。卽佛。若智。卽菩提。若斷。卽涅槃。小雖經無。對菩薩有。論文具之。論云。佛等不行故。大乘小乘差別故。大乘中衆生法差別故。衆生是人無學學差別。佛等涅槃差別。應知是中順行者。順行分中。心等不行故。如經一切心意識不行故。是中不順行者。不順行分中。佛等不行故。如經佛心乃至涅槃心不行故。

大乘小乘差別。大乘中差別者。佛菩薩涅槃差別故。小乘中差別者。聲聞涅槃阿羅漢等差別故。大乘中衆生差別者。佛菩薩差別故。法差別者。菩提涅槃差別故。小乘中無學學衆差別。是中法差別者。涅槃差別。無學差別者。阿羅漢差別。有學差別者。阿那含等差別。如是等皆悉不行。故釋曰。恐欲知論。故復委出。亦不出於上言五對。然論差別之言。一。一事中皆有差別。如有學中有二果四向等。菩提有多種菩提等。非全所要。故疏畧之。就出世中偏多舉者。出世易著。今無著故。

佛子。此地菩薩本願力故。諸佛世尊親現其前。與如來智。令其得入法流門中。

疏第二明發起勝行。此下亦是攝尊重行。因勸起行。皆尊重故。勝亦尊重之義。文中四。一。說主總敘。二。作如是下。正顯勸辭。三。佛子諸佛世尊下。顯勸所爲。四。佛子若諸佛下。彰勸之益。今初願卽勸因。如第三勸中。論云。本願力住故者。迴文未盡。應言住本願力故。鈔迴文未盡。應言住本願力者。謂安住本願利衆生故。得諸佛勸。遠公按論釋云。本願住三門分別。一。解本願。從前地來。同求此地。

無生恐亦爲本願。二釋住義。三說住之意。二中得  
已心息更無去至。故名爲住。然住不住。畧有四種。  
一觀入分別。始時不住。終則樂住。從前地來。求趣  
無生。以未得故。所以不住。今此得之。樂著故住。二  
起用分別。始得樂住。終則不住。今此始得樂寂。故  
住。以佛勸起。所以不住。三就寂分別。始終常住。謂  
佛菩薩隨所證入。無暫捨故。四就用分別。諸佛菩  
薩一切不住。常就世間利衆生故。今言住者。約前  
二門。第三明住之意有二。一顯此地所得深寂難  
捨故。二明諸佛勸說。所以釋曰。上遠公之意。順論

解釋。非不有由。今以此經本願力故。明其本願。是  
勸之由。以此釋論。應言住本願也。住恐須勸。是下  
勸益中辨。又由經住故。勸意則有。故疏釋云。決彼  
無生止水。令起無功用行。無生止水。卽住忍義。若  
將本願力住爲住忍者。非經論意。

疏諸佛世尊。下總顯勸相。諸佛所以與智勸者。轉  
彼深行樂足之心。令人法流門故。法流者。決彼無  
生止水。令起無功用行。河任運。趣佛智海。卽以能  
趣爲門。又法流者。卽是行海。言與智者有二意。故  
一現與覺念。猶彼意加。二令起脩取。故名爲與。下

之七勸。皆佛智攝。故但云與智前地未淨。此忍。故云方與。以得此忍。攝德本故。一與之後。不復欲沉。鈔下之七勸。下通妨。乃有四重。一有妨云。下之七勸。義相不同。何以此中。但云有智。故此通云。七不出智。二前地未淨。下問云。佛慈平等。何以偏與。此地菩薩。通意可知。三以得此下。復有問言。何以要得此忍。卽與智耶。答意可知。四一與下。復應問言。九十已得。何不與耶。得已不失。故不重與。

作如是言。善哉善哉。善男子。此忍第一。順諸佛法。

疏二正顯勸辭中有二。先讚將欲取之。必固與之。然善男子。我等所有十力。無畏十八。不共諸佛之法。汝今未得。汝應爲欲成就此法。勤加精進。勿復放捨。於此忍門。

疏後然善男子下勸。於中有七。一勸修如來善調御智。二勸悲愍衆生。三勸成其本願。四勸求無礙智。五勸成佛外報。六勸證佛內明。無量勝行。七勸總修無遺。成徧知道。遠公攝七爲二。前六舉多未作。轉其住心。後一明其少作。能成增其去心。經無此文。論似有意。於理無違。今攝爲三。前三勸其下化。初一化法。次一正化。後一化願。次三勸其上求。

撰述  
華嚴疏鈔卷之一  
初一折其所得非勝。後二引其求佛勝果。若外若內。三最後一勸。總結多門。以所作無邊。別說難盡。故然七皆含轉住增去。鈔於中有七者。七勸如文。亦有總名。今初勸中。疏文有四。一列七名。二遠公下。敘古釋。三經無下。辨違順。四今攝下。申正釋。然七皆含者。正棟遠公前六轉住。後一增去。如初願中。勿復放捨。卽是轉住。令勤精進。豈非增去。餘可思準。遠公亦攝前六爲三對。二利。初對。一自利未滿。二所化未出。第二對。三所化未滿。四自德未勝。第三對。五化業未勝。六已德未窮。亦是一理。

疏今初有三。一明多未作。以未得修十力等教授。衆生法故。二汝應下勸令修習。三勿復下莫捨忍門。然捨有二義。一若以放捨身心住此忍門。斯則不應故云勿復。是以論云。若不捨此忍行。不得成就一切佛法。此令捨著。二全棄捨。則所不應故論云。依彼有力能作故。故云勿復放捨。此令依之。又善男子。汝雖得是寂滅解脫。然諸凡夫。未能證得種種煩惱。皆悉現前。種種覺觀。常相侵害。汝當愜念如是衆生。

疏第二勸中。三初明自所得忍。二然諸下。明他無

展述  
華嚴疏鈔卷之一  
忍起過。在家多有煩惱。出家多起覺觀。皆是衆生無利益事。二汝當下勸起悲心。悲心依上而轉。鈔出家多起下。皆是論意。意云出家斷除煩惱。不與之俱。爲斷此故。未善方便。故多覺觀。或起惡覺。乃至不忘善覺。故言悲心。悲心依上而轉者。釋論以論初云。依彼衆生大利益事。現起煩惱。使彼在家出家分中。染著煩惱。衆生轉故。故是大悲依彼轉也。

又善男子。汝當憶念本所誓願。普大饒益一切衆生。皆令得入不可思議智慧之門。

疏第三勸中願有二種。一依廣心。下化衆生。二皆令得下。依大心。然有二義。一令他得。二令自得。自得佛智。依此智行。能廣利故。

又善男子。此諸法。法性若佛出世。若不出世。常住不異。諸佛不以得此法。故名爲如來。一切二乘。亦能得此無分別法。

疏第四勸中有二。初法性真常。定其所尚。鈔定其所尚者。所尚卽無生法。忍所忍卽諸法實性。故三地中。名八地爲一切法如實覺。法性卽實相。眞如。理無廢興。故云出世不出不異。

撰述  
疏次諸佛下。奪其異佛。勸其上求。以有深無礙智。大用無涯。方不共二乘故。鈔以有深無礙智者。卽下偈云。法性眞常離心念。二乘於此亦能得。不以此故爲世尊。但以甚深無礙智。示意甚深無礙智爲世尊耳。對下同於二乘。故此不共。

疏後一切下。抑同二乘。令不住忍。三獸渡河。同涉理故。功行疲倦。趣寂爲垢。故應勿住。鈔抑同二乘者。此一乘旨。二乘絕分。非是共理。約寄位中。勸其莫作。故抑令同。下三獸渡河。亦是抑耳。河卽是通理。如彼身子。自領解云。我等同入法性。故功行疲倦者。此下是論意。斯則二乘皆功行疲。欲趣於寂。是菩薩垢。故論云。依不共義。功行疲倦。彼垢轉故。謂依轉進。

又善男子。汝觀我等身相。無量智慧。無量國土。無量方便。無量光明。無量清淨音聲。亦無有量。汝今宜應成就此事。

疏第五勸中。舉身相等六。皆是化生事業。若成就此法。則有力化生。故勸修成就。

又善男子。汝今適得此一法明。所謂一切法無生無分別。善男子。如來法明。無量入。無量作。無量轉。乃至

60  
1  
2  
3  
4  
5  
6  
7  
8  
9  
10  
1  
2  
3  
4  
5  
6  
7  
8  
9  
10  
1  
2  
3  
4  
5  
6  
7  
8  
9

百千億那由他劫不可得知。汝應修行成就此法。  
疏第六勸中有二。初明其所得未廣。次善男子下。  
示佛無量勝行。無量入者。所入法門差別故。作是  
法門業用。轉是業用上。上不斷。後汝應下結勸。  
又善男子。汝觀十方無量國土。無量衆生。無量法。種  
種差別。悉應如實通達其事。

疏第七勸中二。先舉三種無量。卽淨土中三自在  
行。後悉應下結勸。明少作在。旣言悉應通達。明少  
分觀察。卽能成就。去佛非遙。此同德生勸於善財。  
勿以少行而生知足。故云無量。鈔三自在行者。

卽二世間自在耳。

佛子。諸佛世尊。與此菩薩如是等無量起智門。令其  
能起無量無邊差別智業。

疏第三顯勸所爲。令起智業故。

佛子。若諸佛不與此菩薩起智門者。彼時卽入究竟  
涅槃。棄捨一切利衆生業。

疏第四彰勸益中。亦是所爲。爲是故勸。於中二。先  
明不勸之損。故不得不勸。後以諸佛下。彰勸之益。  
是故須勸。今初有二。一自損。既不與智。卽入涅槃。  
故應須與。故論云。卽入涅槃者。與智慧示現。二

者損他不利生故。問始行之流尚脩無住豈深智地取滅須勸。一問頗有一人佛不與智便取滅不。

二問答有四義故。是以須勸。一爲引斥定性。二乘

明菩薩此地大寂滅處猶有勸起。況彼所得。豈爲究竟。二爲警覺漸悟菩薩樂寂之習。三爲發起始

行無厭上求。四爲顯此地甚深玄奧難捨。所以須

勸。但有此深奧法流之處必有諸佛作七勸橋。故

無一人便取永寂。又設佛不勸亦無趣寂爲顯勸

益。假以爲言。鈔問始行之流下。此下問答通對

不勸之失。勸益爲問。先與一問。下具四答。須勸可

知。但有此深奧下。後例深故勸。答二問中答文有

三。初答云。定有佛勸。無有無勸。此自有三。一正明

無有無勸而趣寂者。二又設下假設以明。三爲顯

下。結上不勸之損言耳。

以諸佛與如是等無量無邊起智門故。

疏第二勸益中有法喻合。法中三。初牒前與智彰

益之因。故論云。彼行中攝功德因勝故。云何勝。諸

佛同作教授說故。鈔故論云。彼行中攝功德因

勝者。彼行卽無生忍行。由有忍行。故佛與智。此二

皆因此因皆勝。故能攝德。正與智而能攝德。故疏

撰述

華嚴疏鈔卷之一

一

一

論但以與智爲因。轉推得智之因。復由得忍。

於一念頃。所生智業。從初發心。乃至七地。所修諸行。百分不及一。乃至百千億那由他。分亦不及一。如是阿僧祇分。歌羅分。美數譬喻分。優婆尼沙陀分。亦不及一。

疏二於一下起行速疾。

何以故。佛子。是菩薩先以一身起行。今住此地。得無量身。無量音聲。無量智慧。無量受生。無量淨國。教化無量衆生。供養無量諸佛。入無量法門。具無量神通。有無量衆會道場差別。住無量身。語意業。集一切菩薩行。以不動法故。

薩行。以不動法故。

疏三何以下釋疾所由。謂先唯一身。故長時劣。此一念。此地身等無量。故一念頓超。有十一句。前十別明。後一總結。十中。初六依教化衆生。次二依自集助道。後二依障清淨。

疏十中。一多身現。所以多者。論云。一切菩薩身。信解如自一身。故謂智契同體。故能即一爲多。此實報能爲。不同前諸地變。鈔十中。一多下。上通相料揀。此下隨句別釋。釋此初句。疏文有四。一標舉。即是經中。今住此地。得無量身。所以多下。舉論釋。

疏

華嚴疏鈔卷二十八

一

一

多所以信解卽是勝解。勝解印持一切菩薩卽是我身。故有多身。謂智契下。釋上信解爲一所以前來諸地雖有信解。未與理冥。今與理冥。故成多耳。此實報下。釋通妨難。難云。初地百身。二地千身。如是漸增。乃至七地有百千億那由他身。何得言一。故今答云。彼前多身皆云示現。卽變化爲非實報得。以其前地功用分別未捨離故。不能合法。凡所爲作。名心自在。非法自在。是故不得就法說多。此地功用分別心息。契合法界。凡所爲作。名法自在。以法門無量。隨法論身。身亦無量。舉身旣爾。餘可

例知。

疏此對前一身。餘音聲等。對前起行。類亦無量。二圓音隨說。三隨所知智。四隨取何類生。五隨應以何國。六隨其教化。何類衆生。七隨供養集福德助道。八隨入何法門。集智慧助道。九隨神通障淨。十隨智慧障淨。故能處無量衆會。隨機說法。皆言隨者。隨宜非一。釋無量言。故隨時之義。其大矣哉。鈔此對前下。釋其餘句。餘並可知。

疏後一結釋中先結。謂起行衆多。不離二業。後以不動法故者。釋由無相無功。無有間斷。故相用不

撰述

聖嚴疏鈔卷之一

三

釋

支那

華嚴疏鈔卷三十八

三

釋

動任運集成。

佛子。譬如乘船。欲入大海。未至於海。多用功力。若至海已。但隨風去。不假人力。以至大海。一日所行。比於未至。其未至時。設經百歲。亦不能及。

疏喻中。船喻彼行速疾。論云。應知因勝示現者。釋疾所由。船由入海故疾。行人無生故疾。

佛子。菩薩摩訶薩。亦復如是。積集廣大善根資糧。乘大乘船。到菩薩行海。於一念頃。以無功用智。入一切智智境界。本有功用行。經於無量百千億那由他劫。所不能及。

疏合中。初合未至海。即前七地。次到菩薩下。合若至海。即第八地。無生之智。亦是行故。名為行海。又頓能徧起。即深而廣。亦得名海。無功用智。以合上風。一切智境。明其趣果。前喻所無。以無生智。同佛智海。故喻不分。本有已下。合前校量。

○疏大文第四。淨土分者。問。經中但云。大方便智。一切觀察。皆如實知。廣說化生。應形作用。瑜伽論中。十自在前。起智門後。但云。得分身智。何以論主判為淨土分耶。答。淨土有二。一是能淨之因。二是所淨之果。此有二對。一相淨果。謂寶嚴等。以行業為

撰述

華嚴疏鈔卷之一

聖

釋

支那

華嚴疏鈔卷三十八

釋

撰述  
聖廟正金卷之一  
因謂直心等。二自在淨果。謂三世間圓融等。以德業爲因。謂淨土三昧等。今約後對。然淨土行業。始起在凡。滿在一地。淨土德業。始起不動。終在如來。鈔今約下揀定。既約位釋成。始起於此。故偏有淨土分也。

佛子。菩薩住此第八地。以大方便善巧智所起無功用覺慧觀一切智智所行境。

疏文分三別。一器世間自在行。二衆生世間自在行。三智正覺世間自在行。初是化處。次是所化。後是能化。具後二淨。方名淨土。然初一多約能淨。後二多約所淨。文影畧耳。就初分二。先總標舉。無功用智爲能觀智。智所行境爲所觀。方便善巧。卽無功用因。在於七地。修無功用。今得自在。鈔智所行境者。卽世界成壞。能觀智。卽下如實知。此總科。方便善巧。下別牒釋。言卽無功用因者。由於七地得空中。方便慧。有中殊勝行。修此無功故。

所謂觀世間成。觀世間壞。

疏後所謂下。別顯其相。有五種自在。一隨心欲。二隨何欲。二隨時欲。四隨廣隘欲。五隨心幾許欲。今初觀世間成壞。論云。隨心所欲。彼能現及不現。

撰述  
華嚴疏鈔卷之一  
故者。謂約能淨論隨。隨自心欲。知卽能知。故約所淨論隨。隨衆生心樂欲見者。則現成現壞。不欲見者。則不現故。經云觀知。則唯約因論。主欲顯義兼於果故。云隨現卽轉變自在。下之四段隨現準知。由此業集故成。由此業盡故壞。

疏二。由此業下。明隨何欲。謂隨物欲。知何業成壞。皆能現故。

幾時成。幾時壞。幾時成住。幾時壞住。皆如實知。

疏三。幾時成下。明隨時欲。謂隨時長短。卽能現故。若約能淨。卽隨時智。如此世界成二十劫。初劫成。

器餘成衆生。壞亦二十。先壞衆生。後一壞器。並稱事稱理。名如實知。

又知地界小相。大相。無量相。差別相。知水火風界小相。大相。無量相。差別相。

疏四。又知地下。隨廣陞欲。彼能現故。文中三。初知四大差別。卽是廣相。二知微塵下。是知陞相。三隨何世界所有地水下。知能所成。卽雙明廣陞相。今初中。小相者。非定地報識境界。大相者。定地境界。乃至四禪緣三千故。無量者。如來境界。上三是事分齊。皆以境界智知。差別相者。是法分齊故。以

相智知。知其自相同相差別故。後類餘易了。鈔  
初知四大差別卽是廣相者。謂知大分齊。小相者  
下散心所知。少故名小。定心所知。廣故名大。初禪  
量等四洲。二禪量等小千。三等中千。四等大千。故  
云乃至。量旣徧等。故能徧緣。無量相者。佛智稱事  
理之實。故無分量。差別相者。若大小。卽事分齊。知  
地堅相水濕相等。名知自相同無常等。名知共相。  
皆是法分齊也。

知微塵細相差別相。無量差別相。隨何世界中所有  
微塵聚。及微塵差別相。皆如實知。

疏二知微塵中。細者透金塵。故論經次云。麤相者  
隙塵。故差別同前。無量差別者。一塵之中。含多法  
故。塵之麤細。俱通定散。故不云小大。鈔細者透  
金塵。故者。俱舍云。極微微金水。兔羊牛隙塵。蟻虱  
麥指節。後後增七倍。隙塵乃塵中最麤。無一極微  
獨處而住。故不說初。而七極微爲一微塵。此亦最  
細。而名是通。故取第二透金之塵。以爲細也。一塵  
之中。中含多法者。能造所造。一聚而現。必具堅濕  
煖動色香味觸。故云多法。

隨何世界中。所有地水火風界。各若干微塵。所有寶

一撰述  
聖嚴師金卷之一  
聖嚴  
物若干微塵。衆生身若干微塵。國土身若干微塵。皆如實知。知衆生大身小身。各若干微塵成。知地獄身。畜生身。餓鬼身。阿修羅身。天身。人身。各若干微塵成。得如是知微塵差別智。

疏三知能所成中二。先總知內外。二知地獄下。別明六道。斯卽楞伽責所不問。意顯窮幽。又云無性故。鈔斯卽楞伽下。謂大慧菩薩發一百八問云。我名爲大慧。通達於大乘。今以百八義。仰諮尊中。上下問云。何淨其念。云何念增長等。列問竟。佛讚善。牒問竟。然後責其所問不盡云。諸山須彌地。巨

海日月量下中上衆生。身各幾微塵。一一刹幾塵。弓弓數有幾。肘步拘樓舍。半由一由巡。乃至云是等所應請。何須問餘事。聲聞辟支佛。佛及最勝子。身各有幾數。何故不問此。釋曰。此卽責所不問也。又知欲界色界無色界成。知欲界色界無色界壞。知欲界色界無色界小相大相無量相差別相。得如是觀三界差別智。

疏第五又知欲界下。明隨心幾許欲。卽能現故。文中二。初約智知自在。上卽三界互望論大小。今卽一界之中。自分大小。欲界中人境爲小。天境爲大。

色中覺觀爲小。無覺觀爲大。無色界中。論云。佛法中。凡境爲小。聲聞菩薩爲大者。爲揀外道妄取爲涅槃故。特云佛法。如來所知一切三界。皆名無量相。鈔佛法中者。問無色。無色無有分量。何有大小。答大乘之中。許有色。故離世間品。明菩薩鼻根聞無色界宮殿香故。此有二意。一無麤有細。二無其相色。有通果色故。

佛子。此菩薩復起智明。教化衆生。所謂善知衆生身差別。善分別衆生身。善觀察所生處。隨其所應。而爲現身。教化成熟。

疏第二佛子。此菩薩復起下。約通明自在隨物現化。文中三。一隨機現化。於中初標能化智。次所謂下。明所知機。有三句。一知身類不同故。二知隨身宜用方便異故。三生何等界。能利生故。後隨其下。正明隨化。雖言現身。意在生處。故屬器界。

此菩薩於一三千大千世界。隨衆生身。信解差別。以智光明。普現受生。如是若二若三。乃至百千。乃至不可說三千大千世界。隨衆生身。信解差別。普於其中。示現受生。

疏二此菩薩於一三千下。明化分齊。

此菩薩成就如是智慧故。於一佛刹。其身不動。乃至不可說佛刹衆會中。悉現其身。

疏三。此菩薩成就下。明現自在。謂不動而徧。猶月入百川。

佛子。此菩薩隨諸衆生。身心信解。種種差別。於彼佛國衆會之中。而現其身。

疏第二。佛子。此菩薩下。明衆生世間自在行。謂隨感能應。調伏衆生自在故。於中二。初總明感應。

所謂於沙門衆中。示沙門形。婆羅門衆中。示婆羅門形。刹利衆中。示刹利形。如是毘舍衆。首陀衆。居士衆。四天王衆。三十三天衆。夜摩天衆。兜率陀天衆。化樂天衆。他化自在天衆。魔衆。梵衆。乃至阿迦尼吒天衆。中。各隨其類。而爲現形。

疏二。所謂下。別顯感應。於中顯化生行。有二自在。一。化同物身。沙門中。現沙門形等故。卽身自同事。又應以聲聞身得度者。現聲聞形。應以辟支佛身得度者。現辟支佛形。應以菩薩身得度者。現菩薩形。應以如來身得度者。現如來形。

疏二。又應下。化應物心。以身不必同其所化。卽心自同事。故論云。彼行化衆生。身心自同事。鈔以

身不必同者。如有居士欲見佛身。爲現佛身。佛身不同居士。而隨心樂。名心同事。

佛子。菩薩如是於一切不可說佛國土中。隨諸衆生信樂差別。如是如是而爲現身。

疏三佛子菩薩如是下。總結感應。如是如是者。現類衆多故。若身若心。無偏頓應。故論結云。自身心等分示現也。

佛子。此菩薩遠離一切身想分別。住於平等。

疏第三佛子此菩薩遠離下。明智正覺世間自在行。遠公云。若就行境。應名二諦自在行。今就行體。

名智正覺。智於二諦正覺無礙。故名自在。今更一釋。以所知十身皆是毘盧遮那正覺之體。亦得從境名智正覺。能令相作亦自在故。鈔今就行體者。以智正覺一切法故。

疏文中二。初明第一義智。後此菩薩下。明世諦智。今初上句離妄。下句住實。由自身他身不分別故。住於平等。不分別言。非唯照同一性。亦乃能所照。亾論云。此不同二乘。第一義智示現者。以彼不得法空。不能卽俗而真。非一異故。

此菩薩知衆生身。國土身。業報身。聲聞身。獨覺身。菩

薩身。如來身。智身。法身。虛空身。

疏。二明俗諦智中有三。一總知十身。二此菩薩下。令十身相作。顯通自在。三此菩薩知衆生身下別顯。知相彰智自在。今初十身論攝爲三。初二染分。次六淨分。後一不二分。皆言分者。同一大緣起法界。分爲十故。卽染分依他。淨分依他。同依一實故。

疏。染中二者。初是衆生世間。次國土世間。業報身者。彼二生因。謂業煩惱。經畧煩惱。故論具之。而云報者。業能招報。從果立名。若是所招。寧異上二。然國土身。合通於淨。且從一類。以判爲染。鈔經畧煩惱者。論云。是中衆生世間器世間。彼二生業煩惱。是染分故。

疏。次六總以三乘爲淨分。於中前四是人菩薩及佛。但因果之異。次一是能證智。後一是所證法。故論云。此二乘隨何智。隨何法。彼淨顯示。謂因法智殊。顯三乘別。鈔謂因法智殊者。智法有殊。故三乘異。亦以三乘明法智故。

疏。後虛空身是不二分者。通爲一依。非染淨故。觀下別顯。多約事空。義兼於理。鈔義兼理空者。無

量同遍等皆兼於理亦由此故爲二所依。

此菩薩知諸衆生心之所樂能以衆生身作自身亦作國土身業報身乃至虛空身又知衆生心之所樂能以國土身作自身亦作衆生身業報身乃至虛空身又知諸衆生心之所樂能以業報身作自身亦作衆生身國土身乃至虛空身又知衆生心之所樂能以自身作衆生身國土身乃至虛空身

疏二諸身相作皆先明相作所由由隨機故文中

二一別顯相作畧有四翻云何法智虛空得爲自身入法智中自然應現自己身故令於虛空忽見

自身故名爲作作餘亦爾鈔云何法智者此假

問也法中理法理法無形智體虛空皆無形質不可作身云何言作答意云智證於法自然應現即是作義亦由體理成智理寂無相而成有知故今於虛空下通虛空作自此三作自既爾自作此二亦然冥同理智及虛空故

隨諸衆生所樂不同則於此身現如是形。

疏二隨諸衆生下總結例餘上但舉四翻理應具十成一百身然自身卽是菩薩若將自聖菩薩別則有百一十身故云則如是現所以相作得無礙

者廣如懸談。今文畧有三意。一由證卽事第一義。故事無理外之。事事隨理而融通。故此章初。先明勝義。二者緣起相由故。三業用自在故。晉經偈云。菩薩於因緣和合中自在。乃至能隨意爲現於佛身。今經畧無此偈。論主但釋相作之意云。彼自在中所作。攝取行種種示現者。謂彼正覺自在中作。攝取衆生行。故隨心樂種種示現。鈔所以相作下。出其所以。以經文中但云隨衆生心之所樂故。則唯是業用門。而無德相。故具出所以例前可知。則經文中但有第二義。第一畧無。第二晉經文證。

有第二。因緣和合。是緣起故。上顯相作之因。論主但明相作之意。然隨衆生樂。通因通意。意欲攝生。故是意也。就隨意能作。卽業用因。

此菩薩知衆生集業身。報身煩惱身。色身無色身。

疏第三別顯知相中。十身爲八。以三身合故。然其類例。應各具十。文或闕畧。且從顯說。初衆生身有五相。初二業生煩惱。妄想染差別。此約總明三界。後二約上二界。卽就報開別。若總開三界五趣。則具十矣。鈔若總開下。色身兼欲色二界。加無色爲三界。集業煩惱爲二。報身卽五趣報。故爲十也。

又知國土身小相。大相無量相。染相淨相。廣相倒住相。正住相。普入相。方網差別相。

疏。二國土身。具有十相。前八一切相。後二真實義相。前中初二分齊相。卽小中大千。次二染淨差別。次廣卽寬陜差別。此畧無陜。次二依住差別。真實中一重頓入。名爲普入。十方交絡。故云方網。又重重現故。多同初地。鈔又重重現下。雙釋普入及方網言。塵能受刹。刹以塵成。亦能受刹。重重皆入。名爲普入。旣交絡入。九方入東。東入西。時帶餘九入西。入南。時帶東。諸方而入於南。故成重重。卽初

地中。如帝網差別故。爲真實義故。

知業報身。假名差別。知聲聞身。獨覺身。菩薩身。假名差別。

疏。三四二段。共有四身。皆云假名差別者。但有自相同相。差別假名。分別實無我人。餘亦假名。偏語。此四者。業因尚假。苦果可知。聖人尚假。況於凡類。又三乘聖人。方能知假。佛德超絕。不得云假。

知如來身。有菩提身。願身。化身。力持身。相好莊嚴身。威勢身。意生身。福德身。法身。智身。

疏。五知佛身。自有十相。餘之九身。旣是佛身。一一

有此則已成百。若更相作。則重重無盡。菩提身者。示成正覺故。二願生兜率故。三所有佛應化故。揀異。獲猴鹿馬等化。故云應化。卽王宮生身。四自身舍利住持故。上四於三身中。皆化身攝。鈔四自身下。舍利梵言。此翻名身。若云舍利羅。此云身骨。論經名受神力身。此身是佛攝受衆生。畱化神力。故出現品中。醫王延壽喻。正喻力持身也。

疏五所有實報身無邊相海等。揀三十二等。故云實報卽三中報身。六所有光明攝伏衆生。故云威勢。卽通報化。鈔六所有下。論經名光明身。故遠

公云善軟衆生。慈光攝取。剛強衆生。威光伏取。故云攝伏。

疏七意生身者。論云所有同異世間出世間心得自在解脫故者。同謂同類。異謂異類。世卽地前。出世地上。謂若凡若聖。若同若異。由得自在解脫。故隨意俱生。卽種類俱生。無作行意生身也。此通變化。及他受用。八福德者。所有不共。二乘之福。能作廣大利益。因故。故種少善根。必之佛果。九法身者。所有如來無漏界故。斯卽所證法體。故離世間品十佛中。名法界佛。諸漏永盡。非漏隨增。性淨圓明。

故名無漏界是藏義生義。含無邊德。生世出世諸樂事故。十智身者。所有無障礙智。謂大圓鏡智。已出障垢。證平等性故。次云。此智能作一切事者。即成所作智。彼事差別皆悉能知者。即妙觀察智。此通四身。但兩重十身。一一圓融。故異諸教。鈔九法身者。所有如來無漏界故者。即是論文同於唯識轉依之果。論云。此即無漏界。不思議善常安樂解脫身。大牟尼名法。論曰。前脩習位所得轉依。應知即是究竟位攝。此謂此前二轉依果。即是究竟無漏界攝。諸漏永盡。非漏隨增。性淨圓明。故名無

漏界。是藏義。此中含容無邊。希有大功德法。或是因義能生五乘世出世間利樂事故。釋曰。此即釋其初句。今疏所用諸漏永盡者。此即離彼相應縛義。非漏隨增者。此即顯離所緣縛義。性淨揀異。二乘無學。有所知障。不名淨故。圓明揀彼十地菩薩未圓滿故。具此諸義。名無漏界。餘義可知。釋第二句論云。此轉依果。又不思議。超過尋思。言議道故。微妙甚深。自內證故。非諸世間喻所喻故。此又是善。曰法性故。清淨法界。遠離生滅。極安隱故。四智心品。妙用無方。極巧便故。二種皆有順益相故。違

撰述  
善扇頂金卷之一  
五  
不善故俱說爲善。此又是常。無盡期故。清淨法界。無生無滅。性無變易。故說爲常。四智心品。所依常故。無斷盡故。亦說爲常。非自性常。釋第三句云。此又安樂。無逼惱故。清淨法界。衆相寂靜。故名安樂。四智心品。永離惱害。故名安樂。此二自性。皆無逼惱。及能安樂。一切有情。故二轉依俱名安樂。二乘所得。二轉依果。唯是遠離煩惱障種。無殊勝法。故名解脫。大覺世尊。成就無上寂默法。故名大牟尼。此牟尼尊所得。二果。永離二障。亦名法身。無量無邊力。無畏等。大功德法。所莊嚴故。體依聚義。故

得名身。故此法身。五法爲性。非淨法界。獨名法身。二轉依果。皆此攝故。釋曰。今此疏中。正用初句。義則包含。正取所證。能證。四智。智身攝故。彼處通說。菩提涅槃。二種果故。四智之義。頗見上文。此通四身者。智冥於理。同法性身。大圓鏡智。相應淨識。能頓現於自受用身。平等性智。現他受用身。成所作智。起變化身。是則智身通於四也。又妙觀察智。亦通四身。通觀四故。但兩重下。通非圓宗。難可知也。知智身善思量相。如實決擇相。果行所攝相。世間出世間差別相。二乘差別相。共相不共相。出離相。非出

撰述  
離相學相無學相

疏六知智身有十一相攝爲三類。初二約體分別。初通聞思。二卽修慧俱。通理教。次果行相。卽因果分別行。卽是因。通於三慧。果唯證入。相離前三。餘有八智。皆約位分別。於中初一是總。世間俗智。名之爲世。三乘聖智。名爲出世。又道前名世。見道已去。名出世。五三乘者。於出世中。大小分別。小乘十智等。中乘七十七智等。大乘權實。無量。六七二相。於大乘中。麤妙分別。甚深般若。不共。二乘相似般若。是則名共。八九二相通。就三乘縛解分別。於新

熏性習未習。故後二通於三乘脩成分別。鈔果唯證入者。此明智身了於諸法。法有達證二義。不同。今就果說。故唯證知。言相離前三者。離聞思修相。如初地示說分齊中說。然此通約因果而說。若分三乘。小乘四果爲果。趣四果因爲行。中乘無學爲果。有學爲行。無數出入。故無四果。大乘之中。佛果爲果。餘皆爲行。小乘十智等者。卽法類四諦。他心世俗。及盡無生。前已曾解。中乘七十七者。廣如六地鈔中。不共等者。共不共義。前已頻釋。後二通下。卽學無學。前行果中。中乘雖約學無學明。意在

行果。小乘學中亦有果故。大乘位位容有果故。故疏上來但約總說。又此學等畧有三門。一約理。二乘同學。未證名學。證竟無學。凡夫非學非無學。二以小聖大二乘於大亦非學非無學。三就修成之德義同初門。今就智明。疏云修成分別耳。

知法身平等相。不壞相隨時隨俗假名差別相。眾生非眾生法差別相。佛法聖僧法差別相。

疏七知法身。前能知智。此所知法。並通一切智法。不同前佛法智。唯局如來。鈔七知法身中文。二先通棟濫。謂第六智身。及此法身。對上如來身上。

十身中智身法身以料棟耳。

疏文有五相。一平等相。卽是理法論云無量法門明等。一法身故者。謂法門雖殊。同詮平等法身。生佛無二。故棟理異事。皆世諦門攝。鈔一法身者。前佛中取法。此法中取佛。門各異故也。棟理異事下。遮難難云。若是平等法身。應各第一義智所知。故爲此答。第一義智。無分別故。亦猶相見道中。觀非安立諦。而是後得智攝。

疏二不壞相。卽是行法論云。如聞取故。謂稱理起行。名如聞取。行符乎理。則冥之菩提。名不可壞。

撰述  
華嚴疏鈔卷之一  
疏三卽教法隨所化衆生根性相應時說差別故  
理本無言假言顯理若權若實皆是隨俗假名  
疏四卽重顯理法所徧之境此通染淨平等法身  
徧情非情故鈔四卽重顯者論但云有根無根  
差別相故有根卽衆生有根身故無根卽非情今  
以四法收法無遺謂教理行果理是所詮乃通事  
理初句明理此句卽事理外無事故言所徧之境  
此通染淨等皆悉平等則顯前之法身是淨法法  
身故前釋云法門雖殊同詮平等  
疏五卽果法唯約於淨故論云第一相差別二乘

同證第一義故隨智有異三種不同故所顯理亦  
說深淺若約功德等異如常所辨鈔論云第一  
相者有二義疏是一義更云三寶最勝故隨智有  
異者卽一切賢聖皆以無爲法而有差別大品云  
由平等故分別須菩提等故所顯理者小乘人空  
如兔之足中乘修習如馬之足大乘二空深徹  
故若約功德者小乘三生緣覺百劫菩薩三祇乃  
至三學萬行差別非一皆以一相統之則四法一  
揆。

知虛空身無量相周徧相無形相無異相無邊相顯

現色身相

疏八知虛空身。文有六相。一。無量相。芥子中空亦無分量故。二。徧至一切色非色處故。三。不可見故。今世人見者。但見空一顯色。想心謂見故。涅槃經中廣破見空。又此含無爲空。故亦不可見。四。無異相者。無障礙故。謂不同色法彼此相異。有障礙故。五。無邊相。謂無始終起盡之邊故。六。能通受色相持所持故。故下經云。譬如虛空寬廣非色。而能顯現一切諸色。既因色分別。彼是虛空。則知因空顯彼爲色。鈔三不可見者。釋無形相。世人見者。但

撰述

玉庫珠金卷之一

卷

卷

見空一顯色者。雜集第一云。云何建立色蘊。謂諸所有色。若四大種所造色者。謂眼等五根。色。聲。香。味。觸所攝一分。及法處所攝色。次釋色云。色者。謂四大種所造眼根所了義。謂青黃赤白。長短方圓。麤細高下。若正不正。光影明暗。雲烟塵霧。迺色。表色。空一顯色。此復三種。謂妙不妙。俱相違色。此青等二十二色。建立由六種因。謂相故。安立故。損益故。作所依故。作相故。莊嚴故。如其次第四十八。一云。迺色者。謂離餘礙觸方所可得。空一顯色者。謂上所見青等顯色。釋曰。若智論說。上空謂作青白

影色見故。又依小乘毘曇宗。空有二種。一是有爲。除色爲空。二是無爲。本來常無。有爲可見。故今世人同共見之。無爲不可見。故今說言不可見相。成實論中。虛空唯一。不可眼見。世人見者。但見空中光明之色。想心於中。知無實物。作虛空解。便謂見空。其實不見。涅槃中。同成實說。廣破虛空有爲可見。今此經疏。符不可見。六能通受色相者。此卽論文釋經。顯現色身相。疏文可知。而論經云。顯色身別異相。意云。能顯於色。而與色異。上言無異。自約空體耳。若遠公云。謂因色像。空有差別。謂屋內空。

屋外空等。此乃以色顯空。不順今經。空能顯色。佛子。菩薩成就如是身智已。

疏大文第五自在分中分二。初牒前爲因。修行三種世間自在行。故得十自在。此但約智通說。若依攝論。以六度爲因。如下別明。鈔第五自在分。釋曰。此中通有四門。一辨相。二治障。三出因。四得位。文皆已具。此但約智者。對下六度。但明一智爲通。遠公別配。修前器世間自在行。故得財自在。一切世界莊嚴之事。悉亦能現。修前衆生世間自在行。故得生自在。隨化衆生。處處現生。修前智正覺世

間自在行故。得六自在。一得命自在。證第一義成法身故。欲久近住。隨意悉能。二得心自在。知二諦故。能入無量三昧法門。三得業自在。於報身得自在故。一切業報隨意示現。四得信解自在。知如來身。及知聲聞緣覺菩薩。故生信解。五得法自在。知法身故。六得智自在。知智身故。通修前三。故得二自在。一得願自在。一切所欲。隨心皆得。二得如意自在。隨意轉故。釋曰。雖有此釋。乃成穿鑿。故疏但云。約智通說。別配依下。取於攝論六度爲因。得命自在。心自在。財自在。業自在。生自在。願自在。解

自在。如意自在。智自在。法自在。

疏二得命下。顯自在果。命自在者。不可說不可說。劫命住持故。心則無量。阿僧祇三昧入智故。財謂一切世界無量莊嚴嚴飾住持示現故。上三以施爲因。如次以一切時一切處一切物施故。業則如現生後時業報住持示現故。生則一切世界生示現故。上二自在。以戒爲因。戒調身語。成勝業故。復由戒淨。隨欲生故。願則隨心所欲。佛國土時示成三菩提故。此則由進策勤。無懈廢故。解則一切世界。徧滿示現故。論經各信解。攝論各勝解。皆一

義耳。用忍爲因。以修忍時。隨衆生意。故得一切皆隨心轉。謂變地爲金等。如意則一切佛國中。如意作變事。示現故。以定爲因。智則如來力無畏不共法相好莊嚴。三菩提示現故。法則無中無邊法門。明示現故。上二同以般若爲因。內照所知。得智自在。應根宣說。得法自在。於此十中。若智若通。皆無壅滯。故云自在。鈔二得命下。疏文有三。一別釋經文。卽辯相及因。經但標名。今依論經。一一具釋。經有難見。卽以論釋。兼以攝論六度之因。次第配釋。

疏論以此十。治十怖畏。一治死怖畏。二治煩惱垢染怖畏。三治貧窮。四治惡業。五治惡道。六治求不得。七治謗法罪業。八治追求時縛不活。九法自在。治云何云何疑。十智自在。治大衆威德。此二如論。次此十亦卽初地五畏。細故漸開。此中二四七卽是惡名。惡名本故。三六屬不活。九屬第十故。約因而論。此地方得。約果而論。圓滿在佛。此約行布。下離世間。上賢首品。皆有此十。而約普賢位。通貫始終。

得此十自在故。則爲不思議智者。無量智者。廣大智

者無能壞智者。

疏大文第六得此已下明大勝分於中二初智大智解殊勝故二業大行業寬廣故三彼二所住功德大智業所成故今初文有五句初句牒前爲因則爲下正顯顯有四智初一爲總謂不住世間涅槃寂用難測各不思議此不思議有三一修行盡至不思議謂證涅槃無分量故二所知不思議廣照世境故三除障不思議謂令真如出所知障天魔外道不能壞故

此菩薩如是入已如是成就已。

疏第二此菩薩下業大有三初二句牒前爲因一入自在二成就智次得畢竟下正顯業大三佛子下總結多門鈔一入自在者卽經云如是入已牒前十自在也二成就智卽經云如是成就已卽牒前爲不思議智者等

得畢竟無過失身業無過失語業無過失意業身語意業隨智慧行般若波羅蜜增上大悲爲首方便善巧善能分別善起大願佛力所護常勤修習利衆生智普住無邊差別世界

疏正顯中有十二句初三明三業淨當相辨業後

九約修辨業攝爲四相。初一句明起論云能起。能起同時。謂身語意是所起。智慧爲能起。此三業起。必與能起同時。故經云隨行。智爲導首故。二般若。下四句智攝不染。作利衆生行等。謂由般若攝彼大悲。故不染愛見。能起方便利衆生行。三善起。下二句。因攝。謂內由大願。爲自行他行之因。又外蒙佛攝。得成二因。四後二句。作業所持。初句利益衆生。後句淨佛國土。鈔故經云下。經文但有身語意業。隨智慧行。論經云智慧爲首。智隨順轉。故疏具用二句之意。以智先導。釋其隨行。初智導起。

已不失於智。卽是隨行故。

佛子。舉要言之。菩薩住此不動地。身語意業。諸有所作。皆能積集一切佛法。

疏後總結可知。

佛子。菩薩住此地。

疏第三佛子菩薩住此下。彼二所住功德大中。二初標所住分齊。次得善下。顯所住德。三此菩薩下。結成功德。

得善住深心力。一切煩惱不行故。得善住勝心力。不離於道故。得善住大悲力。不捨利益衆生故。得善住

大慈力救護一切世間故得善住陀羅尼力不忘於法故得善住辯才力善觀察分別一切法故得善住神通力普往無邊世界故得善住大願力不捨一切菩薩所作故得善住波羅蜜力成就一切佛法故得如來護念力一切種一切智智現前故

疏二中十句依七種功德謂初四為一善住道功德此是德體以二利行為菩薩道故初二自利先契理離障名為深心後對治堅固名為勝心後二慈悲利他後六各一約脩辨德初三三輪化益修上利他後三願行相符外招佛護修上自利 鈔

二中十句者謂依此七種功德宣說彼所住功德法故此段名所住功德大也後二慈悲者餘處慈能與樂悲能拔救苦今悲不捨眾生慈却救護世間以慈悲皆通與樂拔苦故後三願行相符等願即第八行即第九佛護即第十

此菩薩得如是智力能現一切諸所作事於諸事中無有過咎

疏三結成中近結此段遠結前三得如是智結前智大以智證理得無憎愛故次能現下結作業大平等作故後於諸下結所住功德大得七功德無

過咎故。

佛子。此菩薩智地。名爲不動地。無能沮壞故。名爲不轉地。智慧無退故。名爲難得地。一切世間無能測故名爲童真地。離一切過失故。名爲生地。隨樂自在故名爲成地。更無所作故。名爲究竟地。智慧決定故名爲變化地。隨願成就故名爲力持地。他不能動故名爲無功用地。先已成就故。

疏大文第七釋名分。亦攝真如相迴向。稱如不動等故。釋名分二。一。地釋名。卽約法明位。二。智者釋名。卽約人彰德。鈔第七釋名分。一地釋名者。廣

明此地有不動德故。二約人者。廣明住此地菩薩有不動德故。法卽本有此德。如於菩提。人由得地。故成勝德。猶如此覺者。

疏今初十句。論攝爲六。遠公復攝六爲二。初二自分。後四勝進。勝進中復三。初一發修離過。次二因修成德。一成教道德。二成證道德。後一依德成位。亦有斯理。鈔今初十句者。初三四六皆攝二故。疏文有三。一總科。初二自分。前一離過畢竟。後一所證深玄。餘句可知。

疏言爲六者。一初二句名染對治。一治下地功用。

行。小乘願諸魔業。故名不動地。二治煩惱習行。故名不轉。上二卽相用煩惱不能動也。二次一句得甚深故可知。鈔言爲六下。二依論釋。初染治中功用。小願魔業皆是業染。第七地功用之心。名功用行。第六地中樂空之心。名小乘願。前五地中著有之心。名諸魔業。亦可七地所起行修。名功用行。二乘之心。名小乘願。凡夫之心。名諸魔業。今離功用。治功用行。遠離有無間隔過故。治小願魔業。故名不動。此一爲總。故諸經論皆立此名。

疏三有二句。發行清淨。上句發淨。謂得真無漏三

業無失。不破觀心。能發起行。然其八地。應對八住。合名童真。而論經中名王子者。似不順文。下句行淨。正行之時。離障自在故。鈔三有二句者。卽勝進中發修離過。前句發修之時。離功用過。名爲發淨。後句修行之時。離不成過。名爲行淨。隨意成故。論經名王子者。經云名爲王子地。離家過故。遠公釋云。如世王子。生在王家。無有營農等過。菩薩如是生在佛家。無有脩行功成之過。釋曰。觀經之意。但取離過。

疏四次二句。名世間出世間有作淨勝。上句悲故。

隨世有作。自無所作。下句出世有作。以智善分別故。智障淨故。皆決定義。鈔四次二句下。兼第五門。卽勝進中。因修成德。德義不同。有其二種。一者有作。卽教道功德。本無今有。方便修起。故名有作。卽第四門。二者無作。卽證道功德。本有今顯。非從脩起。名爲無作。卽第五門。與加分中有作善法淨無作法淨相似。今第四中。功德名世間。智慧名出世間。前中隨世有作。釋經名爲成地。自無所作。釋經更無所作。故下句中。以智慧善分別故。卽是論經。智障淨故。是論釋。上善分別言。皆決定義。疏將

彼經及論。皆就今經決定之言。

疏五有一句。彼二無作淨勝。謂於世出世名。爲彼二願力。變化而不滯寂。故云無作。卽無住涅槃。鈔五有一句下。卽證道也。卽經名爲變化地。隨願成就故。今經但有其用。論經二云。名爲涅槃地。善起大願故。遠公云。涅槃地者。卽無作體。體寂滅故。善起大願。以用顯體。非小涅槃。故疏釋云。化不滯寂。成無住涅槃。

疏六有二句。菩薩地勝。卽分位過。前上句勝六地。以六地觀空。爲他有動。今念念發起殊勝行故。下

句勝七地上依論釋。鈔六有二句者。即遠公依德成位。上句可知。下句勝七地有功用。此地報熟。名無功用。言先已成就者。論經云善起先道故。遠公云就諸地中。分別有三。一不起先道。謂前六地當地別習。不兼前行。二起而不善。謂七地念念修起一切佛法。前六地中。所有諸行。至此皆起。而功用心起。不名為善。二亦起亦善。謂此八地。前七地中。所修諸行。是其先道。至此地中。報熟現前。名起先道。報熟現前。非功用生。故名善起。疏意順經先已成就。即是七地之中。修無功用。為先已成就。故

無功。此意是總。易故不釋。

△疏今更指文。別為一解。謂此諸名。對前經立。初二從淨忍分受名。得無生忍。人不動故。此句為總。此智現前。故無退壞。次二約得勝行分受名。一得為深行菩薩。不可知故。二離一切相等諸過失故。次二約淨土分受名。生地謂器世間自在。隨樂生。故成地。眾生世間自在。隨物成身。自無作故。究竟地智正覺世間。決二諦故。次一約自在分。隨願成就。方名自在。次一約大勝分。得深心等十種力持。故後無功用。通該始終。依此釋者。似若論家闕指明。

據。鈔今更指文者。第三順經釋。但是指文。義不異論。故疏云。則似論家闕指明據。

佛子。菩薩成就如是智慧。

疏第二佛子菩薩成就下。智者釋名中二。初牒前爲因。由得智地故。二入佛下。正就人顯。三於無量下。總結所住。

入佛境界。佛功德照順。佛威儀佛境現前。

疏就人顯中。以何義故。菩薩名爲得不動地。有二義故。一。一向不動。謂行修上順故。二。一體不動。謂與諸菩薩行體同故。鈔一向不動。是勝進行。一

體不動。是自分行。先明勝進者。舉彼勝求。顯於自分。從上滿也。

疏文中先總明。後常爲下別顯。今初文有四句。

皆合二義。論總釋云。佛性隨順因故。佛性卽初句。以梵云。馱都。譯通界性。致譯論經云。得入佛性。卽是法身果性故。論云。佛性者。界滿足勝故。究竟見性。故云。滿足。此卽分齊境界。菩薩由得地智。能上入之。隨順因者。卽下二句。由二爲因。故能隨順佛境。一。攝功德。佛功德照者。善清淨義。故謂以無垢慧。善照佛德。卽是攝義。二者行。謂正行。威儀順同。

佛故三者近。卽佛境現前。近如可觀故。鈔今初文有四句者。謂一向一體。以遠公將此總屬於一向不動。則此四句。明一向義。後十方明不動。故疏按定云。皆含二義。謂由入佛境故。一向上順。亦與菩薩同一體性。下三句準之。以論先釋四句。竟方云是中一向不動者。如經日夜常爲善知識。加諸佛加故等。故疏將此四句爲總。二者近者。由其前一。故近佛也。

常爲如來之所護念。梵釋四王金剛力士。常隨侍衛。恒不捨離。諸大三昧。能現無量諸身差別。於一。身有大勢力。報得神通。三昧自在。隨有可化衆生之處。示成正覺。

疏後別明中。先明一向不動。論經十句。今經闕一。初一總顯佛加。解參玄極。上德被已。故旣常爲佛加。故名一向不動。餘句別依五種功德。以顯不動。一供養功德。卽梵釋四王。論經王下有奉迎之言。二守護功德。謂金剛等現形衛故。三依止功德。恒不捨三昧故。四國土清淨功德。卽能現諸身差別。若器若衆生。皆能隨現。故云無量。鈔謂金剛等者。此前亦有。但冥衛耳。如來常有八金剛神。列其

八面。此地菩薩隨分得之。

疏五於一一下。教化衆生功德。此復五種。前三自  
分。後二勝進。一願取諸有多爲主導。故云有大勢  
力。二根心使智力。卽報得神通。第三際中衆生根  
欲等故。三無量法力。三昧自在轉法輪故。四受力。  
彼經云能受無量記故。今經闕此。五說力。卽隨有  
可化。示成正覺。真能說故。論經此後。更有一句結  
云。是菩薩如是通達。論云。一向不動故。鈔前三  
自分者。卽三輪也。謂身口意。論云。一向下論釋結  
如是通達。如是通達故。一向不動義耳。

佛子。菩薩如是入大乘會。獲大神通。放大光明。入無  
礙法界。知世界差別。示現一切諸大功德。隨意在在  
善能通達。前際後際。普伏一切魔邪之道。深入如來  
所行境界。

疏二佛子下明一體不動。文有十句。初總餘別。總  
云入大乘會者。謂入同類大乘衆數故。入數者。不  
破壞義。和合如一。故別有九種。具此九種。堪入衆  
數。

疏一智不壞。獲法智通故。二說不壞。謂放教智光  
故。三解脫不壞。謂不住行。證入空有等無礙法界。

業用無礙故四佛國清淨不壞。知世界自在故。五入大乘不壞智能示現大功德故。六神通不壞。隨意自在故。七善能下。能解釋義不壞。稱三際說故。八普伏下。坐道場不壞。萬行及菩提樹下伏魔邪故。九正覺不壞。入如來境。同佛覺故。鈔一智不壞者。論經云善思量大乘道故。卽法智通者。以論會經。既云智大。經云獲大神通。明是法智通也。卽十通第九。於六通中漏盡開出。故亦證智。二教智。三不住。上三自利。下六利他。初句淨土行。後五化法益物。於中前三自分。卽意身口。稱三際說者。先

際生歿。後際涅槃。中際聖賢也。八普伏下。二句勝進。坐道場稱佛方便成正覺者。成佛度人。前中泯明。坐道場畧有三說。一就法門。卽萬行道場。二就實成。約金剛三昧一念成佛。三約化相。菩提樹下。今正約後。然經但言普伏一切魔邪之道。而論云坐道場。坐道場卽降魔故。伏魔亦二。一約法門。一切生歿涅槃。皆是魔道。修一切智。則伏其道矣。二約實說。無明習氣以爲魔道。金剛喻定方能摧之。三約化相。菩提樹下降於天魔。今亦據後。九正覺不壞者。上入佛境。同佛覺故。卽是一切法如實覺

故同無障礙智餘如初地中說。於無量國土修菩薩行以能獲得不退轉法。是故說名住不動地。

疏第三總結所住中行無障礙不斷不轉念不退故。

佛子菩薩住此不動地已。以三昧力常得現見無量諸佛。恒不捨離承事供養。此菩薩於一一劫。一一世界。見無量百佛無量千佛。乃至無量百千億那由他佛。恭敬尊重承事供養。一切資生悉以奉施。於諸佛所得於如來甚深法藏。受世界差別等無量法明。若

有問難世界差別如是等事。無能屈者。如是經於無量百劫。無量千劫。乃至無量百千億那由他劫。所有善根轉增明淨。

疏第二位果調柔中。先調柔行。法說中。受世界差別等無量法明者。等取衆生智正覺故。論名彼因相故者。以所受法爲自在因故。

譬如真金。治作寶冠。置閻浮提主。聖王頂上。一切臣民諸莊嚴具。無與等者。

疏喻中真金作閻浮提主冠者。喻得清淨地。身心勝故。以此地中報行純熟。三世間自在故。特加於

王。無與等者。喻善根光明。轉更明淨。此地菩薩所有善根。亦復如是。一切二乘。乃至第七地菩薩所有善根。無能及者。以住此地大智光明。普滅衆生煩惱黑闇。善能開闡智慧門故。

佛子。譬如千世界主大梵天王。能普運慈心。普放光明。滿千世界。此地菩薩亦復如是。能放光明。照百萬佛刹微塵數世界。令諸衆生。滅煩惱火。而得清涼。

疏三佛子。譬如下。教智淨。梵王普放光明者。勝前日光。一多故。二淨故。三廣故。

此菩薩十波羅蜜中。願波羅蜜增上。餘波羅蜜。非不

修行。但隨力隨分。

是名畧說諸菩薩摩訶薩第八不動地。若廣說者。經無量劫。不可窮盡。

佛子。菩薩摩訶薩住此地。多作大梵天王。主千世界。最勝自在。善說諸義。能與聲聞辟支佛諸菩薩波羅蜜道。若有問難。世界差別。無能退屈。布施愛語利行同事。如是一切諸所作業。皆不離念佛。乃至不離念一切種一切智智。

復作是念。我當於一切衆生中。爲首爲勝。乃至爲一切智智依止者。此菩薩若以發起大精進力。於一念

須得百萬三千大千世界微塵數三昧。乃至示現百萬三千大千世界微塵數菩薩以爲眷屬。若以菩薩殊勝願力自在示現過於是數。乃至百千億那由他劫不能數知。

爾時金剛藏菩薩欲重宣其義而說頌曰。

七地修治方便慧善集助道大願力。復得人尊所攝持。爲求勝智登八住功德成就恒慈愍智慧廣大等虛空。

疏第三重頌分中。二十二頌分三。初十八偈半。頌位行。次二偈半。頌位果。後一結說分齊。今初頌上

七分卽爲七段。初一偈半。頌集作地分。

聞法能生決定力。是則寂滅無生忍。知法無生無起相。無成無壞無盡轉。離有平等絕分別。超諸心行如空住。

疏一一偈半。頌淨忍分。

成就是忍超戲論。甚深不動恒寂滅。一切世間無能知心相。取著悉皆離。住於此地不分別。譬如比丘入滅定。如夢度河覺則無。如生梵天絕下欲。

疏三有七偈。頌德勝行分。於中二。初二頌深行

勝

以本願力蒙勸導。歎其忍勝與灌頂。語言我等衆佛法。汝今未獲當勤進。

汝雖已滅煩惱火。世間惑燄猶熾然。當念本願度衆生。悉使修因趣解脫。

法性真常離心念。二乘於此亦能得。不以此故爲世尊。但以甚深無礙智。

如是人天所應供。與此智慧令觀察。無邊佛法悉得成。一念超過曩衆行。

菩薩住茲妙智地。則獲廣大神通力。一念分身徧十

方。如船入海因風濟。

疏後五頌發起勝。於中云。但以甚深無礙智者。長行所無。故知唯念法性。則同一乘。事理事事。皆無障礙。是菩薩學故。晉經全有一偈云。但以得無礙。甚深微妙智。通達三世故。乃得名爲佛。又此一偈。亦可總頌餘勸。

心無功用任智力。悉知國土成壞住。諸界種種各殊異。小大無量皆能了。

一手世界四大種。六趣衆生身各別。及以衆寶微塵數。以智觀察悉無餘。

菩薩能知一切身。為化衆生同彼形。國土無量種種別。悉為現形無不徧。  
 譬如日月住虛空。一切水中皆現影。住於法界無所動。隨心現影亦復然。  
 隨其心樂各不同。一切衆中皆現身。聲聞獨覺與菩薩。及以佛身靡不現。  
 衆生國土業報身。種種聖人智法身。虛空身相皆平等。普為衆生而示作。

疏四有六偈頌淨佛國土分於中三初二器世間。次三衆生世間後一智正覺世間。

十種聖智普觀察。復順慈悲作衆業。

疏五有半偈頌十自在。故晉經云。能得於十種妙大自在智。

所有佛法皆成就。持戒不動如須彌。十力成就不動搖。一切魔衆無能轉。

疏六一偈頌大勝分。

諸佛護念天王禮。密跡金剛恒侍衛。此地功德無邊際。千萬億劫說不盡。

疏七一偈頌釋名分。密跡者古譯為力士。餘文可知也。

撰述

華嚴疏鈔卷之一

七

釋

復以供佛善益明。如王頂上莊嚴具。菩薩住此第八地。多作梵王千界主。

演說三乘無有窮。慈光普照除眾惑。一念所獲諸三昧。百萬世界微塵等。諸所作事悉亦然。願力示現復過是。

菩薩第八不動地。我為汝等已畧說。若欲次第廣分別。經於億劫不能盡。

大方廣

華嚴經疏鈔卷第三十八之一

畢



工四十三

